

che alle bone gratie de vostre signorie mi rico-
mando.

Ex Turmello 14 Marzo 1524.

De vostre Signorie servitore
ANTONIO DE CASTELLO.

È da saper. In le lettere di campo di 14 è questo aviso. Come Zanin di Medici con la compagnia sua è ritornato in campo et ha hauto meza paga etc. Et per uno borgognon partito dil campo francese, venuto a trovar il duca di Barbon, ha ditto francesi esser: sguizari 9000 et non più et altri 6000 fanti e lanze 300; il resto di le lanze fin 700 è partide per li castelli, e cussi fanti. *Item*, dicono aspettar 400 lanze et 6000 sguizari; et hanno gran penuria di viver, e si tien si convegnirà levar; *etiam* mancamento di danari per pagar le zente. *Item*, mandano una altra relation di uno francese preso, qual dice che hanno terminato, come spagnoli si movano di lo alozamento, di darli adosso e far la zornata.

Di Bergamo, fo letto una lettera di rectori, di 14, con una lettera li mandò il duca de Milan. Qual scrive mandarli una lettera che scrive monsignor l' Armirao da Vegevene a quelli capitani sono in Lodi, come debano far danno sul cremasco e bergamasco per aver cussi auto ordine dil signor re di Franza; et altre particolarità; la qual lettera era in zifra.

Noto. Fo letto uno aviso, come venendo ducati 4600 per andar a Milan, fo intercepti da quelli sono in Lodi. *Item*, che Zanin di Medici stava apresso Pavia quasi a la strada, et prese do spagnoli, poi fo quietà con darli meza paga, come ho scritto. Et par che monsignor Beuret dicesse, che haveano hauto danari per via di Bologna, che poteano dar una paga e meza a le sue zente.

Da poi disnar fo Pregadi, et li Savii sora la mercadantia feno lezer una parte zerca devedar forestieri a navegar su le nostre galie; qual ha molti capi. Et sier Luca Trun el Consier volse rispetto per consultarla meglio.

Et poi fo chiamato li banchi, et si andò a capello per far le election de uno Provedador sora le fabriche de Padoa et V Savii ai Ordini. Chi fono tolti sarà scritto qui avanti.

Di Roma, di l' Orator, di 13 et 14, vene lettere. Di coloqui auti col Papa zerca le nove di Lombardia, et il Papa li ha ditto saria pur bon la Signoria comprasse Cremona. Faria do beni, averia le so terre e aiuteria el duca de Milan a mantenersi

in Stado, dicendo l'è pur un bel zoiello. *Item*, come era aviso che l' duca de Milan over spagnoli voleano vender Serzana, che tien zenoesi, a fiorentini, 40 per aver danari. Scrive come quelli Orsini, che pareva volesseno esser col re di Franza, non sarà altro; et avisa dil partir di fra' Nicolò arziepiscopo di Capua per Spagna, farà la via di Franza et passerà in Anglia per andar a far questo effecto di trieve o pace tra questi reali. *Etiam* il Papa ha mandato uno orator in Hongaria per far animo a quella Maestà; qual fa la volta di Veniexia. Scrive poi di uno orator di zudei venuto al Papa, i qual stanno in l' India et offerisse 300 milia combattenti contra il Turco, richiede artellarie etc. Il capitolo scriverò di sotto.

Fu posto, per li Consieri, atento fusse preso in questo Consejo dar taia a quelli rapite la consorte dil qu. domino Lunardo da Martinengo el cavalier, citadin di Brexa, et scripto a li rectori di Brexa, et atento sia de li uno statuto non si possi proclamar se non passati li 4 mexi; pertanto sia preso, che, non obstante ditto statuto, debbano proclamar essi rectori et ponerli in exilio. 104, 6, 16.

Election di uno Proveditor sopra le fabriche di Padoa.

Sier Michiel Foscarini fo podestà a	
Cologna, qu. sier Andrea	76.137
Sier Filippo Minio fo sopragastaldo,	
qu. sier Castelan.	95.119
Sier Zacaria Orio el XL criminal, qu.	
sier Zuane	90.125
Sier Marco Antonio Marzello el XL	
criminal, qu. sier Vetur	121. 88
Sier Zuan Barbo el XL criminal, di	
sier Alvise.	119.105
Sier Zuan Manolesso el XL criminal,	
qu. sier Orsato	106.109
† Sier Zuan Francesco Gradenigo el	
XL criminal, qu. sier Lionello	154. 54
Sier Bernardin da Canal el XL cri-	
minal, qu. sier Anzolo	93.123
Sier Zuan Alberto fo di XX Savi	
sora i extimi, qu. sier Nicolò	100.126
Sier Piero Loredan fo cao di XL, qu.	
sier Alvise	81.131
Sier Zacaria Zantani fo podestà a	
Coneian, qu. sier Zuane	97.118
Sier Francesco Soranzo el cao di XL,	
qu. sier Zacaria	135. 79